

**Ա Ր Չ Ա Ն Ա Գ Ր ՈՒ Թ Յ ՈՒ Ն ԹԻՎ 34-01/02**

ք.Երևան, Արշակունյաց 5,417 սենյակ

05.10.2018թ. ժամը 18:00

«ՍԳԿԿ» ԻԿԿ դիտորդ խորհրդի նախագահ Ա.Չիտչյանի 29.08.2018թ-ի թիվ 864 գրության հետագա ընթացքը ապահովելու նպատակով, սնանկության գործով կառավարիչ Հայկ Կոչեցյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ, կարգապահական վարույթ հարուցելու և դիմումում նշված փաստական հանգամանքների քննության համար՝ ս/թ-ի հոկտեմբերի 5-ին ժամը 18.00-ին՝ 11.09.2018թ-ի հետաձգված «ՍԳԿԿ» ԻԿԿ Կարգապահական հանձնաժողովի նիստին.

**ԾԱՆՈՒՑՎԱԾ ԷԻՆ՝**

- Հանձնաժողովի անդամ՝ Հարություն Գևորգյանը
  - Հանձնաժողովի անդամ՝ Ռուբեն Խալաթյանը
  - Հանձնաժողովի անդամ՝ Հենրիկ Մարտիկյանը
  - Հանձնաժողովի անդամ՝ Արմենակ Ադամյանը
- Սնանկության գործով կառավարիչ Հայկ Կոչեցյանը

**ՄԱՍՆԱԿՑԵՑԻՆ՝**

- Հանձնաժողովի Նախագահ՝ Տիգրան Հարությունյանը
  - Հանձնաժողովի անդամ՝ Հարություն Գևորգյանը
  - Հանձնաժողովի անդամ՝ Հենրիկ Մարտիկյանը
  - Հանձնաժողովի անդամ՝ Ռուբեն Խալաթյանը
  - Հանձնաժողովի անդամ՝ Արմենակ Ադամյանը
- Սնանկության գործով կառավարիչ Հայկ Կոչեցյանը պատշաճ ծանուցված էր նիստի տեղի և ժամի վերաբերյալ, սակայն անհարգելի պատճառով նիստին չէր ներկայացել:

**ԼՍԵՑԻՆ** – Կարգապահական հանձնաժողովի նախագահ Տիգրան Հարությունյանը ներկայացրեց սնանկության գործով կառավարիչ Հ.Կոչեցյանի վերաբերյալ «ՍԳԿԿ» ԻԿԿ դիտորդ խորհրդի նախագահ Ա.Չիտչյանից 29.08.2018թ-ին ստացված թիվ 864 գրությունը և նրան կից փաստաթղթերը: Հանձնաժողովի նախագահին ներկայացրեց նաև որ սնանկության գործով կառավարչ Հ.Կոչեցյանը տեղեկացված է եղել դիմումի բովանդակությանը և բանավոր հայտնել է, որ իր դիմում նշված գործերով սնանկության գործով ժամանակավոր կառավարիչ նշանակվելը տեղի է ունեցել «ՍԳԿԿ» ԻԿԿ Դիտորդ խորհրդի 27.02.2017թ-ի որոշումից առաջ դատարաններում տվյալ գործերով ժամանակավոր կառավարիչ նշանակելու միջնորդությունների առկայության պատճառաբանությամբ: Հ.Կոչեցյանը ստացել է հանձնաժողովի նիստի վերաբերյալ ծանուցումները 01.10.2018թ-ին և մինչ օրս չի ներկայացրել ոչ գրավոր պատասխան և ոչ էլ որևէ ապացույց իր հայտարարությունների վերաբերյալ: Հանձնաժողովի նախագահին առաջարկեց, քանի որ արդեն մեկ անգամ նիստը հետաձգվել է, ուստի նիստը սկսել և հարուցելով կարգապահական վարույթ քննությունը անցկացնել առանց կառավարչի ներկայության:

Հանձնաժողովի անդամները քննարկեցին առաջարկը և համաձայնեցին առաջարկի հետ:

**ՔՎԵԱՐԿՈՒԹՅՈՒՆ՝**

- Կողմ - 5
- Դեմ - 0
- Չեռնապահ - 0

**ԼՍԵՑԻՆ** – Կարգապահական հանձնաժողովի նախագահ Տիգրան Հարությունյանը ներկայացրեց ՍԳԿԿ» ԻԿԿ դիտորդ խորհրդի նախագահ Ա.Չիռչյանից 29.08.2018թ-ի թիվ 864 գրությանը՝ սնանկության գործով կառավարիչ Հ.Կոչեցյանի գործողությունների և անգործության փաստերի վերաբերյալ:

Հանձնաժողովի նախագահին առաջարկեց քննարկել գրության մեջ նշված և կից ներկայացված փաստական հանգամանքները և հայտնել կարծիք:

Հանձնաժողովի անդամ՝ Հ.Մարտիկյանը արտահայտեց հետևյալ կարծիքը, որ կառավարչի գործողությունները ըստ էության խախտում է ՍԳԿԿ ԻԿԿ Դիտորդ խորհրդի 27.02.2017թ-ին որոշմանը, ըստ որի որոշվել է «ՍԳԿԿ» ԻԿԿ անդամ Հայկ Կոչեցյանի գործունեության ժամկետը երկարաձգել 3 տարով :Նույն նիստում որոշվել է արգելափակել ԻԿԿ անդամի ինտերնետային կայքում հայտ ներկայացնելու հնարավորությունը, վիճակահանությամբ գործեր չշահելու և նոր գործեր չվերցնելու համար:

Այսինքն գրությամբ արձանագրված այն փաստը որ 27.02.2017թ-ից մինչև 28.08.2018թ. ԻԿԿ անդամ Հ.Կոչեցյանը թվով 7 գործերով նշանակվել է սնանկության գործերով կառավարիչ, արդեն վկայում է, որ Հ.Կոչեցյանի կողմից խախտվել է Դիտորդ խորհրդի Որոշումը, որը կարգապահական խախտում է և պետք է կառավարչի համար առաջացնի հետևանքներ, կարգապահական տույժի ձևով:

Հանձնաժողովի անդամ՝ Ա.Ադամյանը հայտնեց այն կարծիքը, որ Դիտորդ խորհրդի իր լիազորությունների սահմանում կայացրած որոշումը պարտադիր կատարման ենթակա է ԻԿԿ յուրաքանչյուր անդամի համար:

Հանձնաժողովի նախագահ՝ Տ.Հարությունյանը հայտնեց այն կարծիքը, որ համաձայն «Սնանկության գործերով կառավարիչի վարքագծի կանոնագրքի»

1.7.3 կետի կառավարիչը պարտավոր է իրազեկել Կազմակերպությանը այնպիսի հանգամանքների վերաբերյալ, որոնց հետևանքով ինքը կարող է չհամապատասխանել ՀՀ օրենսդրությամբ սահմանված սնանկության գործով կառավարչին առաջադրված պահանջներին:

2.7.8 կետով- Իր մասնագիտական գործունեությունն իրականացնելիս ՍԳ կառավարիչը պարտավոր է պահպանել ՀՀ օրենսդրությամբ, «Սնանկության մասին» ՀՀ օրենքով, Կանոնադրությամբ, սույն Կանոնագրքով և կազմակերպության ներքին իրավական փաստաթղթերով սահմանված բոլոր պահանջները:

3.7.10. կետ. Այն դեպքում, երբ Կազմակերպության համապատասխան մարմինները հայտնաբերում են որևէ ՍԳ կառավարչի կողմից ... խախտում, իր լիազորությունների չարաշահում կամ ոչ պատշաճ իրականացում, պատշաճ կերպով տեղեկացնում են կառավարչին այդպիսի խախտումների վերաբերյալ և պահանջում վերացնել դրանք:

Նշված կետերի վերլուծությունից և ներկայացված փաստական հանգամանքների ուսումնասիրությունից պարզվում է, որ կազմակերպության կողմից հայտնաբերվել է Դիտորդ խորհրդի որոշման խախտումը և պատշաճ կերպով գրավոր, այդ մասին տեղեկացվել է կառավարչին 7 գործով առանձին առանձին, կառավարիչը ստացել է բոլոր գրությունները և մինչ օրս դրանց վերացման վերաբերյալ ոչ մի գործողություն չի կատարել, այդ թվում նաև հանձնաժողովի գրավոր պահանջներից հետո:

Հաշվի առնելով վերոնշյալ փաստերը և հիմք ընդունելով «Սնանկության գործերով կառավարիչի վարքագծի կանոնագրքի» 7.10. կետը, առաջնորդվելով՝ «Կարգապահական հանձնաժողովի գործունեության և ՍԳ կառավարչի նկատմամբ կարգապահական վարույթի իրականացման Կարգի» 5.1. կետով, հանձնաժողովի նախագահին առաջարկեց՝ սնանկության գործով կառավարիչ, ԻԿԿ անդամ՝ Հայկ Կոչեցյանին ենթարկել կարգապահական տույժի, հայտարարելով հրապարակային հրապարակային նկատողություն:

Հանձնաժողովի անդամներ՝ Ռ.Խալաթյանը և Հ.Գևորգյանը համաձայնեցին այդ կարծիքին, բայց գտան, որ պետք նաև պարտավորեցնել Կառավարչին որպեսզի 1 ամսվա ընթացքում վերացնի խախտումները, այն է՝ իր գործունեությունը համապատասխանեցնի Դիտորդ խորհրդի 27.02.2017թ-ի որոշման պահանջներին:

Հանձնաժողովի նախագահին առաջարկը դրեց քվեարկության.

**ՔՎԵԱՐԿՈՒԹՅՈՒՆ**

Կողմ - 5

Դեմ - 0


Ձեռնպահ - 0


**ԵԶՐԱԿԱՅՈՒԹՅՈՒՆ**


1. «ՍԳԿԿ» ԻԿԿ դիտորդ խորհրդի նախագահ Ա.Չիտչյանի 29.08.2018թ-ի թիվ 864 գրության հիքով սնանկության գործով կառավարիչ Հայկ Կոչեցյանի գործողությունների /անգործության/, դիմումում նշված փաստական հանգամանքների քննության և սնանկության գործով կառավարչի վարքագծի և նրա գործողությունների օրենքին և կանոնակարգերին համապատասխանության նկատմամբ հարուցված կարգապահական վարույթի արդյունքներով միջնորդել «ՍԳԿԿ»ԻԿԿ Դիտորդ Խորհրդին՝«Կարգապահական Հանձնաժողովի գործունեության և ՍԳԿ նկատմամբ կարգապահական վարույթի իրականացման» Կարգի 5 հոդվածի 5.1 մասի հիմքով հայտարարել սնանկության գործով կառավարիչ՝ Հայկ Կոչեցյանին հրապարակային նկատողություն և սահմանել հայտնաբերված կարգապահական խախտումները վերացնելու,այն է՝իր գործունեությունը համապատասխանեցնի Դիտորդ խորհրդի 27.02.2017թ-ի որոշման պահանջներին,1-ամսյա ժամկետ, որից հետո սնանկության գործով կառավարիչը պետք է դիտորդ խորհրդին ներկայացնի վերացման մասին գրավոր տեղեկատվություն և համապատասխան ապացույցներ:


2.Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

3. Հանձնաժողովի քարտուղարին ապահովել կողմերին սույն եզրակացության ուղարկումը Հանձնաժողովի Նախագահ՝ Տ.Հարությունյան

Հանձնաժողովի Նախագահ՝ Տ.Հարությունյան 

Հանձնաժողովի անդամ՝ Ա.Ադամյան 

Հանձնաժողովի անդամ՝ Ռ.Խալաթյան 

Հանձնաժողովի անդամ՝ Հ.Մարտիկյան 

Հանձնաժողովի անդամ՝ Հ.Գևորգյան 